

Microsoft setuju tambah pelaburan RM10.5 bilion

Oleh AHMAD
FADHLULLAH ADNAN
utusannews@mediamulia.com.my

PETALING JAYA: Microsoft ber-setuju untuk menambah pelaburan berjumlah AS\$2.2 bilion atau RM10.5 bilion dalam tempoh empat tahun mendeda-

Perdana Menteri, Datuk Seri Anwar Ibrahim berkata, perkembangan itu dimaklumkan ketika menerima kunjungan hormat Pengerusi dan Ketua Pegawai Eksekutif Microsoft, Satya Nadella serta delegasi di Putrajaya, semalam.

Menurut beliau, jumlah itu adalah pelaburan terbesar pada satu-satu masa oleh Microsoft setelah bertapak selama 32 tahun di Malaysia.

“Pelaburan ini meliputi pembangunan sistem dan infrastruktur awan (cloud system) dan Kecerdasan Buatan (AI) serta pewujudan peluang kemahiran AI untuk tambahan 300,000 orang.

“Selain itu, penubuhan satu Pusat Kecemerlangan AI Nasional, mempertingkatkan kemampuan keselamatan siber negara dan menyokong pertumbuhan komuniti pembangun sistem di Malaysia,” katanya dalam satu hantaran di Facebook.

Anwar berkata, Malaysia menyambut baik keputusan pelaburan itu yang membuktikan keyakinan mereka kepada asas ekonomi negara yang kukuh.



ANWAR Ibrahim (kanan) bersalaman dengan Satya Nadella pada National AI Leadership Forum di Putrajaya, semalam.

Katanya, ia termasuk dasar-dasar yang jelas dan terarah, selain mesra pelabur dan kestabilan politik.

“Pelaburan ini selari dan akan menjadi pendukung utama ke-

pada fokus kerajaan dalam membangunkan kapasiti AI dalam negara.

“Usai kunjungan hormat, saya dan Satya kemudiannya menghadiri National AI Leader-

ship Forum. Kami sempat berdialog terkait perkara yang menyetujui hal teknologi yakni AI dan perancangan kerajaan bagi mempersiapkan negara dengan arus perubahan ini,” katanya.

Perdana Menteri mengharapkan semoga kerjasama Malaysia dan Microsoft itu dapat membawa manfaat yang cukup besar kepada negara dan rakyat keseluruhannya.